

Headlines

- जम्मू-कश्मीर असैम्बली चुनावं दे अज्ज घोशत नतीजें च नेशनल कांफ्रेंस 42 सीटां जित्तिये सब्बनें शा बड्डी सियासी पार्टी दे तौर पर उभरिये सामने आई ऐ। भारती जनता पार्टी नै 29 सीटां जित्तिये असैम्बली चुनावं च अजें तोहड़ी दा अपना बेहतरीन प्रदर्शन कीता ऐ।
- बीजेपी दिएं युवा नेता शगुन परिहार होरें नेशनल कांफ्रेंस दे दिग्गज नेता सज्जाद किचलु गी हराया जिसलै के आम आदमी पार्टी दे मेहराज मलिक होरें द'ऊं साबका मंत्रिणं गी हराइये डोडा दी सीट अपने नांस कीती ऐ। कांग्रेस, नेशनल कांफ्रेंस ते बीजेपी दे केई दिग्गज नेताएं गी इनें चुनावं च हार दा सामना बी करना पेआ ऐ।
- जम्मू कश्मीर विधानसभा चुनावं च 7 आजाद मेदवारें बी अपनी-अपनी सीटें पर बड्डे नेताएं गी हराइये जित हासल कीती ऐ।
- भारती वायु सेना अज्ज अपना 92में-वां स्थापना दिवस मना करदी ऐ।

<><><><><><>

Results Final

केन्द्र शासित प्रदेश जम्मू-कश्मीर च कुल 90 विधानसभा सीटें चा 42 सीटां जित्तिये नेशनल कांफ्रेंस 42 सीटां जित्तिये प्रदेश च इक्कली सब्बनें शा बड्डी पार्टी दे तौर पर उभरिये सामने आई ऐ। दुई बक्खी भारती जनता पार्टी नै जम्मू संभाग दिएं 43 सीटें चा 29 सीटें पर जित हासल कीती ऐ ते ओह दुए नम्बरें पर काबज होई ऐ। उआं नेशनल कांफ्रेंस ते कांग्रेस पार्टी दा गठन बहुमत लेई लोडचदे 48 दे जादुई आंकड़े गी हासल करदा नजरी आवै करदा ऐ कीजे कांग्रेस पार्टी

गी जम्मू-कश्मीर दिएं 6 असैम्बली सीटें पर जित हासल होई ऐ। प्रदेश दिएं 90 असैम्बली सीटें चा नेशनल कांफ्रेंस नै 42 सीटां, बीजेपी नै 29 सीटां ते कांग्रेस नै 6 सीटां अपने नांs कीतीआं न। एहदे परैन्त पीपुल्स डेमोक्रेटिक पार्टी नै 3 सीटां जितियां न। जम्मू-कश्मीर पीपुल्स कांफ्रेंस, मार्क्सवादी कम्युनिस्ट पार्टी ते आम आदमी पार्टी नै 1-1 सीट हासल कीती ऐ जिसलै के 7 सीटें पर आजाद मेदवारें बी जित थहोई ऐ। साबका मुखमंत्री ते नेशनल कांफ्रेंस दे वरिष्ठ नेता ओमर अब्दुल्ल होरें बडगाम ते गांदरबल दौनें सीटें परा जित हासल कीती ऐ। इससै चाल्ती कांग्रेस दे पीरजादा मोहम्मद सईद होरें अनंतनाग सीट जिसलै के नेशनल कांफ्रेंस दे अब्दुल मजीद भट्ट होर अनंतनाग वेस्ट सीट थमां जेतू बने न। जम्मू कश्मीर पीपुल्स कांफ्रेंस दे सज्जाद गनी लोन होरें हंदवाड़ा सीट अपने नांs कीती ऐ। कांग्रेस पार्टी दे वरिष्ठ नेता गुलाम मौहम्मद मीर होरें डुरू दी सीट जित्ती लैती ऐ। सीपीआई (एम) दे मोहम्मद युसुफ तारीगामी होरें कुलगाम दी सीट जित्ती ऐ। नेशनल कांफ्रेंस दे डाक्टर बशीर अहमद वीरी होर शिरीगुफवारा-बिजबिहाड़ा सीट थमां जेतू घोशित होए न। जम्मू-कश्मीर दी पूरी पराती स्थिति बारे जानकारी देआ रदे न आकाशवाणी दे विशेष संवाददाता।

रामबन थवां नेशनल कांफ्रेंस दे मेदवार अर्जुन सिंह राजू होरें जित हासल करने मगरा बोलदे होई आखेआ।

रियासी थवां बीजेपी मेदवार कुलदीप राज दुबे होरें जित हासल करने मगरा मीडिया कन्नै गल्लबात करदे होई आखेआ।

पुंछ हवेली थवां नेशनल कांफ्रेंस दे मेदवार एजाज जान होरें अपने विचार सांझा कीते ते आखेआ।

रामगढ़ थवां बीजेपी मेदवार डॉ. डी.के मनेयाल होरें आखेआ।

उधमपुर थवां बीजेपी मेदवार बलदेव सिंह मनकोटिया होरें जित मगरा आखेआ।

किश्तवाड़ थवां बीजेपी मेदवार शगुन परिहार होरें आखेआ।

<><><><><><>

Major Victory

किश्तवाड़ विधानसभा हल्के थवा शगुन परिहार होरें जित हासिल कीती ऐ। उनें नैशनल कांफ्रेंस दे दिग्गज नेता ते साबका मंत्री सज्जाद अहमद किचलू होरें होरें हराया ऐ। आम आदमी पार्टी दे नेता मेरहाज मलिक होरें डोडा थवा जित हासिल कीती ऐ। उनें साबका मंत्री ते नेशनल कांफ्रेंस दे मेदवार खालिद सोहरावर्दी ते साबका मंत्री ते डीपीएपी दे मेदवार अबुल माजिद वाणी होरेंगी हराया ऐ। सुर्गवासी सांसद मदन लाल शर्मा हुन्दे पुतर सतिश शर्मा होरें जित हासिल कीती ऐ। उनें साबका उप मुख मंत्री ते कांग्रेस नेता तारा चंद ते भारतीय जनता पार्टी दे मेदवार राजीव शर्मा होरें गी हराया ऐ। आजाद मेदवार डा. रामेशवर सिंह होरें बनी थवा जित हासिल कीती ऐ। उनें

भारतीय जनता पार्टी दे नेता जीवन लाल होरें गी हराया। इन्द्रवाल विधानसभा हल्के थवा प्यारे लाल शर्मा होरें जित्त हासिल कीती ऐ। साबका एमएलए चौधरी मोहम्मद अक्रम होरें सुरनकोट थवा आजाद मेदवार दे तौर पर जित्त हासिल कीती ऐ। शब्बीर अहमद होरें शौपिया थवा आजाद मेदवार दे तौर पर जित्त हासिल कीती ऐ। बनिहाल थवा नेशनल कान्फ्रेस दे सज्जाद शाहीन होरें जित्त हासिल कीती। पीडीपी द वहीद उर रहमान पररा होरें पुलवामा थवा जित्त हासिल कीती ऐ। कंगन थवा नेशनल कान्फ्रेस दे मिया मेहर अली होरें जित्त हासिल कीती ऐ। विजयपुर थवा सुरजित सिंह सलाथिया होरें साबका मंत्री सरदार मनजित सिंह होरें गी हराया ऐ।

<><><><><><>

Defeat

कैई सारे दिग्गज नेताएं गी अज्ज हार दा सामना करना पेआ ऐ इन्दे च कांग्रेस नेता ते 2 बारी सांसद रेई चुके दे ते साबका मंत्री चौधरी लाल सिंह होरें बी शामिल न । लाल सिंह होरें गी भारतीय जनता पार्टी दे नेता दर्शन कुमार होरें हराया ऐ। भारतीय चुना आयोग दी वैव साईट मूजब 66एं बरे दे लाल सिंह होरें 15 हजार 8 सौ 40 वोट हासिल कीते। उनें गी दर्शन कुमार होरें 16 हजार 34 वोटें कन्नै हराया ऐ। कांग्रेस दे इक होर नेता ते साबका अध्यक्ष वकार सहूल वाणी होर बनिहाल थवा हारी गए न। कांग्रेस नेता रमण भल्ला ते तारा चंद होरें गी बी हार दा सामना रना पेआ ऐ। रमण भल्ला होर आर एस पुरा जम्मू दक्खण ते तारा चंद होर छम्ब थवा चुना हारी गए न। जम्मू इस्ट थवा योगेश साहनी होर चुना हारी गे न। म॥ विधानसभा हल्के थवा मुला राम होर चुना हारे। थन्ना मंडी थवा साबका मंत्री शब्बीर खान होर चुना हारी गए न। साबका मंत्री जश पाल कुण्डल होर रागा॥ थवा चुना हारी गए न। जम्मू नार्थ थवा अजय सडोत्रा होर चुना हारे। नेशनल कान्फ्रेस दे नेता ते साबका मंत्री सज्जाद अहमद किच्चलु होर चुना हारी गए। भारतीय जनता पार्टी दे नेता जुलफकार चौधरी होर बुद्धल थवा ते जम्मू कश्मीर भारतीय जनता पार्टी

इकाई दे अध्यक्ष रविन्द्र रेणा होर चुना हारी गए न। पीडीपी दी इलतिजा मुफ्त होर बिजबिहाडा
थवा चुना हारी गईयां न।

<><><><><><>

Independent-JK

जम्मू-कश्मीर विधानसभा चुनां दे अज्ज आए दे नतीजें च 7 आजाद मेदवार जेत्तू घोषित कीते गेन। जम्मू जिले च
साबका सांसद ते कांग्रेस दे नेता मदन लाल शर्मा हुंदे पुत्तर सतीष शर्मा नै बतौर आजाद मेदवार छम्ब हल्के च
जित्त हासल कीती ऐ। उनें 33 ज्हार 985 वोट हासल करिए अपने नेडमें हरीफ बीजेपी दे राजीव शर्मा गी 6
ज्हार 929 वोटें कन्नै हराया जिनें 27 ज्हार 56 वोट हासल होए। तोआई इस्सै सीट पर साबका उपमुखमंत्री ते
कांग्रेस दे कार्जकारी अध्यक्ष ताराचंद त्रीए नम्बरै पर रेह जिनेंगी शडे 16 ज्हार 449 वोट हासल होए। इस्सै
चाल्ली इंदरवाल हल्के च प्यारे लाल शर्मा ना दे इक आजाद मेदवार नै साबका मंत्री गुलाम मोहम्मद सरूरी गी
643 वोटें कन्नै हराया। प्यारे लाल शर्मा गी 14 ज्हार 195 वोट हासल होए जिसलै जे सरूरी होरें गी 13 ज्हार
552 वोट थहोए। सरूरी बी बतौर आजाद मेदवार चुनां लडै करदे हे। तोआई कठुआ जिले दे बनी विधानसभा
हल्के च बी आजाद मेदवार डॉ. रामेश्वर सिंह नै बीजेपी मेदवार ते साबका विधायक जीवन लाल गी 2 ज्हार 48
वोटें कन्नै हराया। रामेश्वर सिंह गी 18 ज्हार 672 वोट हासल होए जिसलै जे जीवन लाल 16 ज्हार 624 वोट गै
हासल करी सकै। इस्सै चाल्ली सुरनकोट च असैम्बली सीट पर नेशनल कांफ्रेंस थमां बक्ख होइए बतौर आजाद
मेदवार चुनां लडै करदे चौधरी मोहम्मद अकरम नै कांग्रेस दे मेदवार मोहम्मद शाहनवाज होरें गी 8 ज्हार 851
वोटें कन्नै हराया। उनेंगी 34 ज्हार 201 वोट हासल होए। थन्नामंडी विधानसभा सीट पर बी आजाद मेदवार ते
रटैर जज मुजफ्फर इकबाल खान नै 32 ज्हार 645 वोट हासल करिए सीट अपने नां कीती। उनें बीजेपी मेदवार
मोहम्मद इकबाल मलिक गी हराया जिनें 26 ज्हार 466 वोट थहोए। तोआई बारामुला थमां सांसद इंजीनियर
रशीद दे भ्रा खुर्शीद अहमद शेख नै लंगेट थमां ते शबीर अहमद नै शोपियां विधानसभा सीट पर बतौर आजाद
मेदवार जित्त हासल कीती ऐ।

<><><><><><>

Indian-Airforce Day

भारतीय ब्हाई फौज अज्ज अपना स्थापना दिवस मना करदी ऐ जेदे सिलसिले च चेन्नई दे
तांबरम एयरफोर्स स्टेशन पर पैहली बारी इक कार्यक्रम दा सरिस्ता कीता गेआ। इस मौके पर

सीडीएस जनरल अनिल चौहान होंरें झंडा चाढ़ेआ। वायु सेना प्रमुख ए.पी. सिंह होंरें परेड दा निरीक्षण कीता ते बेहतरीन ते ब्हाई फौजिएं, उत्कृष्ट प्रदर्शन करने आली युनिटें गी पुरस्कार ते प्रशस्ति पत्र भेंट कीते। इस मौके पर परेड गी संबोधित करदे होई वायु सेना प्रमुख होंरें आखेआ कि दुनिया भरै च सुरक्षा दे ताजा हालात ते हिंसक संघर्षे गी दिखदे होई देश दी वायु सेना दा सक्षम ते निग्गर होना अत्त जरूरी ऐ। उनें आखेआ जे देश दी सुरक्खेआ ते हितें दी बतै च औने आली कुसै बी चुनौती कन्ने निब्बड़ने लेई वायु सेना गी पूरी चाल्ली तैयार रौहना होग। उनें आखेआ जे मजूदा वैश्विक हालात च आधुनिक प्रौद्योगिकिएं च नवाचार दी बड़ी बड़ी भूमिका ऐ। ऐकती वायु सेना दिवस दे विषयसार “सक्षम, सशक्त ते आत्मनिर्भर” दा जिक्र करदे होई उनें आखेआ जे एह भारतीय ब्हाई फौज दिएं आसें-मेदे ते छमताएं गी नमें लक्ष्ये गी परिभाषित करदा ऐ ते हाल दे समें च वायु सेना अज्जै-कल्लै दिएं तकनीके कन्ने लैस होइए मती ताकतवर बनी ऐ।

<><><><><><><><>

Haryana Results

हरियाणा च बी अज्ज 90 असैम्बली हलके लेई पाए गेदे वोटें दी गिनतरी दा कम्म चलै करदा ऐ। उत्थे अजे तगर 63 सीटें दे नतीजे दा ऐलान करी दिता गेदा ऐ। इंदे चा बीजेपी नै 31 सीटां जिती लैती दिआं न ते ओह 18एं सीटें पर अग्गे चलै करदी ऐ। कांग्रेस पार्टी नै हरियाणा च 30 सीटां अपने नांस कीतीआं न ते ओह 6एं सीटें पर फिलहाल ओह अग्गे चलै करदी ऐ। इस्से चाल्ली इंडियन नेशनल लोक दल नै 2 सीटें पर बढ़त बनाई दी ऐ जदके आजाद मेदवारें 2 सीटां जिती लैती दिआं न ते इक सीट पर आजाद मेदवार अग्गे बी चलै करदा ऐ।

बीजेपी दे नेता ते हरियाणा दे मुखमंत्री नायब सिंह सैनी होंरें लाडवा सीट थमां जित हासल कीती ऐ। कांग्रेस पार्टी दे वरिष्ठ नेता ते साबका मुखमंत्री भूपिंदर सिंह हूडा होंरें रोहतक च गड़ी

साम्पला किलोई सीट जिती लैती ऐ। इस्सै चाल्ली बीजेपी दे निखिल मदन होंरें सोनीपत दी सीट अपने नांs कीती ऐ जदके हरियाणा सरकार दे मंत्री मूल चंद शर्मा होंर बल्लभगा सीट पर अग्गे चलै करदे न जिसलै के आजाद मेदवार देवेन्द्र कडयान होंरें गन्नौर दी सीट पर अपना परचम लहराया ऐ।

<><><><><><>